

永樂大典卷之一萬四千六百八

六暮

簿

司天監主簿

事物紀原秦為太史令唐改司天監始置主簿朱史職官志朱置一人掌察天文祥異鍾鼓漏

刻寫遺曆書供諸壇祀祭告神名版位畫日諸司職掌

國朝改為欽天監置主簿一員正八品 回回監一員正八品 後有朱朱元

憲公集司天監丞朱慶祥可降授司天監主簿制 勅其官朱慶祥隸業

候臺參策官簿固當夙夜審察煙離輟輟肆以上書且稽測而逮實迹其

詭辯合正嚴科聊從降秩之文尚聯視夜之職勉思勤術以荷殊恩可沈

文通西漢集司天監靈臺郎史繼莊等可並司天監主簿制 勅某等昔

先王建大中以當天下觀天文以察時變故有日官以底日禮也今爾等

職太史者十年于茲亦已勤矣其各增秩一等注序厥職夙夜精思毋昏

迷于天象以干邦法可王魏公集司天監靈臺郎王利賓錢子吾可並持

校司天監主簿制 具官某治歷明時政之先務稽求爾學應格當遷

往服恩章愈
其思慙可

太府監主簿

事物紀原周禮太府上士即丞職也下士即簿職也通書自漢無閭渠置一人陳固之後魏亦

然隋置四人唐書百官志唐置二人從七品上掌印省署抄目勾檢稽夫凡置木契九十五隻二十五隻與少府將作苑總監合七十隻與庫官合十五隻刻少府監字十四隻雄付少府監五隻刻將作監字四隻雄付將作監五隻刻苑總監字四隻雄付苑總監皆應索物用雌留大府宋志元豐置二人建炎罷詔興復置宋張廣來總集曾怡太府寺主簿制初其官某司府實財用出納之地吏多並緣惡其藉之害已惟時簿正可不擇人以爾儒雅自將綽有家法往往任鈎檢其劇關防母為朱墨之徒勞要使公私之有攸林文仲太府寺主簿制初其官某外府之屬以出納為職雖掌治簿書亦惟其人以爾能敏獲臨事不苟往往任鈎檢其綽乃心李文中太府寺主簿制初其官某外府就稱繁劇凡邦用之出納貨財之懸遷繫焉其為簿書衆矣典領之官可非其人哉以爾臨事明敏見稱詳練往祗厥次益究乃心檢覈吏姦使得去其害已者則爾責塞矣鄭起

潛立庵外制朝散大夫幹辦行在諸軍審計司趙希鑑除太府寺簿制
外府掌貢賦之貳有列其間皆以才選爾以宗英明習吏事往佐而長稽
其出納豈特簿書云乎哉高著齋徵垣類纂本直大夫監三省樞密院門
兼提轄封樁上庫高總特授行太府寺主簿制 司府受藏之府必得通
練者勾檢稽夫焉則吏不得以緣絕為姦利爾祖以禮學名家爾嘗聽
祖訓歷官以稱職聞懷章入覲用留行以掌門鍵未展爾能也簿正外府
使而以耆壽俊在厥服示予簡修 朝散郎料院潘杞特授行太府寺主
簿制 外府乃庫民長子孫之地有司非帥屬以共圖之何以洗緣簿書
之弊爾以材明趾美進士課勞人之績凡十有五載挈提民庸來游王所
庀司庫稍姑啓鴻儀簿正司均母謂序進佳其敬共以頌朕用 朝請郎
幹辦行在諸司糧料院蓋淳特授太府寺主簿制 司府為受藏之會庫
氏長子孫其間非率屬以共圖之則稽失誰其檢核簿書得無緣絕者于
爾材妥為厚濟以疏通出入中外有年于茲嘗使而典國帑之儲司賦之
鍵無非出納咸能自靖以修職業肆庸式序進勾府稽佳哉其敬乃事
鄒仲之行大府寺簿制 爾材妥係特習軍戎萬里情仗節虜庭善諭使
指 出佐輔藩入司均稍未足以盡材也外府勾稽庸昭春獎兵間行享資

汝往來。母謂獨賢。題圖稱塞。劉欽彭城集。太府寺主簿韓宗本可大理寺主簿馬傳慶可太府寺主簿制。勅太府謹出納之總。廷尉主決獄之責。為職不同。程材亦異。然精心恪居者。亦何處而不宜。惟宗本以親嫌引避。與傳慶易地而處。其各勤慎職業。以就功緒。可。洪道盤洲集。馬希言太府寺主簿制。有制于朝者。皆縉紳之選。况九寺之屬乎。爾總領工巧。勞於辦職。司府勾稽。肆以命汝。注飲而長。益勤其官。劉大猷太府寺主簿制。朕比下省官之令。雖中都亦去冗員。故九卿之屬。丞簿不並置。惟司府兩丞亦得以簿代之。蓋職掌文書之繁。使人而後舉也。爾以儒術決科。好談古今治亂事。勾稽之任。姑試爾才。益撫所長。以若予求。袁蒙齋集。王極除太府寺簿制。勅具官朕念不遐邇。不忘遠之訓。蜀士凡有所長。搜羅惟恐後。胡為聲著聞者乎。爾生有異質。蚤拔巍科。不自矜夸。益加培養。通達古今。曉暢事宜。非碌碌常才比。簿正外府用。由此階詩。不云乎。請共爾位。好是正直。予以遠到期汝。欽哉。勿予負。王東牟先生集。余賓興太府寺主簿制。具官某。食貨出納。各在外府。簿書勾稽。務於得人。以爾才資甚高。事任彌著。以字氏。則有豈弟之譽。以守藏。則有彊明之稱。肆疇廼勞。往踐厥次。宜精詳於凡目。龜圖報於恩休。劉後村集。臧元哲除太府寺簿制。

今弊事膠轕人物最少常有臨事之使之歎朕所為無收而並蓄也爾承先人之緒在才子之目使之縮手袖間老歲月於長史司馬可惜也薄正外府駸駸得路益自磨礪以需器使可窮官除太府寺簿制誦於前而伸於後非其身而在其孫非人力之所能為也天也惟爾王父以孤遠外官而抗御又威怒左官而死士論寬之嘉定更化詔雪前誣澤延于爾所歷之官勇於趨事苟利於國知無不為乃今薄正外府駸駸得路益自磨礪以需器使可窮官除太府寺簿制誦於前而伸於後非其身而在其孫非人力之所能為也天也惟爾王父以孤遠外官而抗御又威怒左官而死士論寬之嘉定更化詔雪前誣澤延于爾其勤舉職強為苦詩不云乎毋忝爾祖可李洪芸庵類藁送滕彦道除太府寺簿歸其門常次論文先友接樞廷末路為寮喜典刑桃李春風同麾驛衡茅夜雪並寒廳暫從簿領陪卿月行檣蘭荃應列星臨別遙思五湖樂望中林屋已青青曾丰構齋集呈太府曹寺簿詩吾亦昌大是蘭溪况在蘭溪最白眉閒足鵬行初養望策勲麟閣少頃時中原自古須歸正上策從今要出奇公目可為蕭相國求如韓信即今誰

國子監主簿

事物紀原北齊初置國子主簿隋一人唐因之從七品下掌印勾檢監事凡六學生有不率師

教者則舉而免之其類三年下第九年在學及律生六年無成者亦如之宋會要舉置主簿一人以京官或選人充掌文簿或勾考其出入為元豐

元年詔省主簿。三年罷書庫官。復置主簿。東都事畧郭忠恕太宗間其兄召爲國子監主簿。今刊定字書。名臣言行錄。韓維仁宗惠惜紳衿。競論近臣曰。恬退者難擢。則躁求者自和。耿宰相文房傳。宋庠等言。公好學嗜古。安於靜退。乞錄錄以學俗。除國子監主簿。宋胡銓澹庵集。王庭珪讀瀛漢先生除國子監主簿。論事與時相不合。乞去主管崇道觀。今所在常加存問。元史百官志。元改主簿爲典簿一員。從七品。諸司職掌。

國朝置典簿一員。從八品。慕容彥達。摘文堂集。承務郎梁楊祖。可國子監主簿制。初具官某。簿領之官。以勾檢稽失爲職。凡材質可尚而未試於用者。朕於此養成之。今命爾于國子。往其懋哉。可。張廣東憲集。陳秀脩。國子監主簿。施堪司農寺主簿制。初具官某等。朕惟寺監簿書所繫甚重。鉤檢之職。亦惟其人。以爾秀修。儒學奮身。保主胄子。以爾堪。吏能精敏。保主大農。各因其能。毋曠厥職。周麟之海陵集。黃章除國子監簿制。今之占一善名一藝者。苟有位于朝。皆足以自見。惟在乎隨所用而安之耳。憲府之屬。爾嘗爲之。服勞簿書。每克自力。今又以庠序之舊。改命于成。均周旋師儒之間。典掌行藝之籍。爾處於此。必能安焉。往其勉之。蓋欽歛止。可。余時言除國子監簿制。國家劉設賢閣。作成士類。錄其行藝。歲有籍焉。

而簿書之官與典斯事是亦清選也以爾儒蘊之茂見推士林召對之初
陞于監屬益思自厲往祇厥官范石湖大全集左宣教郎馬大同可國子
監主簿制勾稽成均之法蓋儒學者流非他主簿比爾以有用之學推
稱于時蓋將試以劇煩而今處之學者者亦以示文學政事未嘗兩塗益
尊所聞以俟選權國子監主簿潘慈明可太常寺主簿武學博士劉敦
義可國子監主簿制寺監設主簿員均之以勾稽為職然春臺學省專
治禮樂藝文之事尤為清貴以爾慈明徊翔於王官爾敦義淹久於講席
皆以文行自將並蒙選任益務進修以對休渥高著齋微垣類蒙武學諭
孫德之特授國子監主簿制左右庠之設蓋不特以旬有月試時考歲
貢為事亦欲立師道以淑後生使之各得於意消心化之餘也爾以明經
第進士以宏傳角詞人用登爾以訓右生士論歸之肆從胄庠推掌學士
之版盡承明指敬爾有官國子正康植特授國子監簿制辟雍富流
道德不備教育之官不足以成俊選之造爾生長見聞復能趾美進士嘗
使而糾正于學咸謂得師茲庸命爾掌學士之版以教以育無非事者欽
哉其若予來趙子直國子監簿制爾簡而文德而度舒翹儒林雅宜
為國人矜式嘗使糾正膠庠士譽翕然歸之茲庸命爾掌學士之版以教

以育無非事者其懋厥官稱于崇化厲賢之意 楊應已國子監主簿制
過於坤朋號為方來之器留真周行示予不遐遺也顧豈不知前日之
師屬而為今日之簿正然使而周歷儒庠蓋以厚而敦歷往敬厥事勉企
前修劉欽彭城集通直郎孫進可國子監主簿制 勅具官某國家開廣
庠學者其至雲委故學者備官而主簿之職清且要矣爾國家世儒學晚
習為吏使膺是選良謂稱焉益務勤修以副銓擇可秉蒙齋集何處恬除
宗正寺簿陳瑑除國子監主簿制 勅具官簿正之職聖人猶為之有志
于學者師聖人可也爾處恬昔為太學諸生上書言事有挺挺風節爾瑑
嘗貳政柯山愛民載姦至今人思之一跡壁水升璇牒一自列院遷甯監
供以簿正為職夫有令名固難永終譽尤難欽哉勿替初心益充所學則
予汝嘉 許應龍東澗集錢相除國子監簿制 勅稽胄監職閑事簡雖號
冷曹然華塗要津由茲而升者前後相望也以爾稟資凝重遇事精明幸
邑佐州厥績用懋典司輪告未究所長擢真此官以養資望往祇厥職嗣
有寵榮王東牟先生集史才國子監主簿制 樞門師表之官簿領勾稽
之任參決監事御名擇時髦爾往居是為清選勉思厥職用答所蒙未
元憲公集前卿貢九經王元亨可守國子監主簿制 勅王元亨舊制以

諸學專門各舉經義至於博誦群籍則列於首科統揭策名亦與倫等以
爾服道常布遼業丘園寔陶儒風頗究師法偕計來上試藝中程得補屬
於經庠且開榮於仕牒稽古之初爾其勉哉可陳止齋集監都進奏院孟
浩除國子監主簿制 勅其官某等夫以百里之宰三年之淹僉言賢勞
始有朝蹟而後階升簿正列奇士欲以才自著也斯已難矣胡爾大金西
州之彥而伯成浩又南國之良乎如懋厥官以須褒進可劉後村集翁孟
桂除國子監簿制 成均之屬各有分職博士正錄掌學之教丞簿掌學
之政均之為國子先生其選尤遠爾奮儒科開朝蹟出為閩屬郡丞無躁
心入為王官無喜色由泰邸擢官監塗轅清矣豈簿正云乎哉蓋養育望
進擢未已可余日華集賀國子陳監簿制 竊以月紀陽未雨將寒至共
惟某官孝華雲路師道尊嚴神觀狎臻台候動止萬福某謹飭篋翰以登
記府轅首屬何若焉趨風伏祁順來來復之辰加茲觀願之道即聽一言
之悟亟遂九遷之榮某枕頌 某共書某官選擇儒宗簿正官監班聯清
峻步武高華敬以某官以靖重端方之資濟博厚高明之識學貫九流而
守之以約剛更百鍊而即之也溫中外踐揚勲績超卓惟成均之法載籍
攸司而賢士之闡詳咨惟謹雙儲養於遠業即超登於邁聯坊用之期旦

晏可秩 某父客京華數叩屨序曲墜降接溫乎其容得乎其詞所以拊
存者備至又府薰慈肆筵設席俾飲食教戴之惠周洽於言語情意之表
簿雲標誼膺肺有銘述遺下風行見歲晚引脰壁月浸升浸高何由親炙
昕夕磨印徒有卷卷要非筆驛所能喻也 某連顛踣蹙之蹤不振特甚
冒暑還侍川浮陸走中秋前二日幸抵散廬久遠親庭定省有闕今也奉
菽水聞柴扉請父書守先訓蕭然環堵間但知以寬然晦明為朝暮而已
瑩邨之舊有以寵綏而振德之良所幸望 某共想華闈慶
春即日和杰磅礴嘉祉彬攸里中委令謹祇肅以俟命戒

少府監主簿

唐獻通考少府主簿晉置二人自後歷代一人
唐有二人又唐六典云官二員從七品下晉宋

齊周之梁七班之中第三隋置一人唐加至四人龍朔咸亨先宅神龍並
隨監改復開元減二人掌勾檢稽失凡財物之出納工入之繕造簿帳之
除附各有程期不如期者舉而按之宋元祐官品今改從八品又宋元豐
正官制置一人掌百工伎巧之政令宋蘇魏公集翰林賢學富州龍平縣
主簿潘務本可少府監主簿制 勅其官某爾以方技之能為上官守郡
違需澤方役遐取歲滿言歸慶條其在權預京司之秩且執執藝之勤服

我休思益精素業可胡文恭公集祁威亭可少府監主簿制勅果習知
方技祇服禁庭鄭經祀之恩猶滯勾稽之秩慶條具在臣簿是升勉思
官守之勤姑對朝恩之茂蘇頌濱集丁佃少府主簿告詞勅具官某古
者謂少府為天子私藏朕為天下夫服何私唯是技巧之工以共禮樂之
閑爾以吏能掌其曲籍法度
之事其講明之可依前件

將作監主簿

事物紀原晉將作置主簿員自後與丞同江左

唐因之唐六典掌印勾檢稽失凡官吏之中請糧料俸食差遣假使必由
之以發其事若諸司之應供四署三監之財物器用違缺隨而舉焉宋會
要元豐正官名置一人掌官室城郭橋梁舟車營繕之事凡出納籍帳歲
受而會之上于工部宋史職官志土木工作板築造作之政令總焉熙寧
四年初以殿中丞楊增主簿公事紹興一統志葉顥宋紹興初自信州貴
溪宰移知上虞縣歲通大饑顥白部使者請發常平粟不報顥即發廩賑
之新帥令諸邑預納夏租顥曰小邑往歲無秋願小紓其期帥怒及麥大
熟顥為書約民民相率輸租旬決而畢反焉諸邑最奉檜當國數與大獄

以除異已。參政李光已逐海外，猶欲殺之。州縣遂急捕籍。上虞即光故居，在馬頭，與之無一日雅。因郡農過其門，謁其子弟，人爲尾之。府帥曹泳檜客也，常檄龔滂求李陰事。滂以問顯，顯告以無庸。爲此且曰：「吾非爲李，實爲君也。」秋，滿造朝，泳爲戶部侍郎，許薦於檜，乃固辭。未幾，檜死，其黨皆竄海外。顯曰：「使吾當日受曹薦，今與之同禍矣。」顯以賀允中，薦召除將作監主簿。王英孫字才翁，幼穎悟，博綜經史，爲人重義輕財，勇赴人急，難踰吏部郎中首選。歷官至將作監簿，辭歸。後越鐵才翁不恩，隣人之氣，數玩戶哺之士，賢而貧者，亦願以全生。孩童棄道者，輒收恤之。晚年尤細經玩史游藝筆札篇章之富，積數千卷，藏于家，自號修竹集。宋韓維南陽集故工部郎中充天章閣待制許元親姪琳可試將作監簿制。勅某侍臣之沒其遺嗣，若近屬，皆有以優恤之。由舊典也。汝蒙厥恩，進服在位，惟恪以克欽荷可。彰信軍節度使檢校太尉同中書門下平章事判許州三母劉氏親姪劉鼎可將仕郎試將作監主簿制。勅某朕均布慶澤，加異輔臣奏任之科，通内外族之請，汝以修謹進服厥恩，勉於辦庶，稱是光寵可也。田員外郎致仕李景長男條可試將作監主簿制。勅某任而歸者，吾皆有以優寵之。爾之服官，由乃父請，毋易所事，以忝厥家可。准本院

帖進納空名試監簿制 勅某河之敗溢賴爰捷以濟應募有輸時乃之力往服初命母忌善守可歐陽公集兵部郎中皇甫泌男偶可將作監主簿制 勅具官皇甫泌男偶梓潼去京三千里外而東蜀一都會也吾難其選知泌為材而乃以家為言請任其子俾榮初仕仍使其私庶于泌無內顧之憂而得盡心於事則汝之幹蠱可不勉哉可 將作監主簿程中行制 勅程中行夫廉壯道耿而貪冒成俗風化之薄久矣吾思有以勵焉故於致仕之制特示推恩之優厚厚給以家居官子孫而世及今爾父至服勞在官以老得謝宜茲懋賞以示寵榮汝尚勗哉無忘濟美可 比部員外郎致仕張緯一作俾男允修可將作監主簿制 勅具官張緯男允修凡人之既老且病而見其子之得祿豈不榮哉爾宜一作其修身勵節入而思有以慰一作榮其親出而思有以報於國可 駕部員外郎致仕席夷甫男汝賢可將作監主簿制 勅具官席夷甫男汝賢夫力謹一作壯而仕老至而一作則休還其官政于君傳其家事於一作于士之美一作畫行不亦榮哉在爾承之宜勤以孝惟善事父乃能事君可 進士劉純可試將作監主簿制 勅劉純自兵興累年而功勳未立然游談之士以兵為說而得祿者多矣吾獨意于厥路尚狹而未足以來特起之

人故甄收未始少懈况爾屢經器使而言者謂材宜有推恩以勸來者可
王安石臨川集宋祁遺表孫松年延年順年並守將作監主簿制 勅某
等責臣之世賢者之後朕所不能忘也故爾等皆在冲幼而列于工官茲
所以佑序爾家亦云至矣爾所以保其祿位可不勉哉可 刑部侍郎致
仕崔嶧遺表親孫男俞將作監主簿制 勅某爾祖嘗服高位考終于家
以爾為言朕其甄序工官之屬往矣懋哉可 戶部郎中直龍圖閣知明
州范師道遺表第三男世文守將作監主簿制 勅某爾父嘗以才選列
官于朝出臨一州奄至大故錫爾一命爾其勉哉可 光祿卿直龍圖閣
張旨遺表親男平易守將作監主簿制 勅某朕惟爾父致位九卿服勞
于官為日久矣故命爾以工官之屬以稱其將死之言爾其思爾父之願
厥家與朕心之哀爾父夙興夜寐無或弗欽可 光祿少卿知單州呂師
簡遺表次男昌宗試將作監主簿制 勅某爾父且死而為爾求官故以
爾試于工官之屬大推恩既往輩及于孫吾所以待人臣者有常法矣修
勅自奮而以保祿位者爾所以為人子也可不勉哉可 故光祿卿致仕
張璠遺表親次孫彰試將作監主簿制 勅某爾祖以九卿歸第而遺奏
以爾為言顧哀舊臣而官使其子孫此先王使仕者世祿之意而吾之所

不忘也。其使試于工官之屬。以稱爾祖之志。馬詩曰：無念爾祖。聿修厥德。爾方就學。可不勉哉！司農卿致仕吳良孺遺表。曾孫洪試將作監主簿制。勅某爾之曾祖仕至九卿。退處于家。考終厥命。推恩及爾。以試工官。往慎猷為。且膺器使。可。故光祿卿致仕張溫之孫基試將作監主簿制。勅某爾祖嘗為侍從之臣。而有公忠之節。令其亡矣。秩爾以官。能善似之。乃其無悔可。客省使眉州防禦使張亢遺表。孫在至。並將作監主簿制。勅某爾祖起於文吏。而能以才武致力於封疆。扞患之功。書在王府。今其亡矣。故各命爾一官。往懋爾成。毋忘爾祖之勤於國。可。司農卿致仕魏瑛男太廟齋郎紆守將作監主簿制。勅某爾世載榮祿。而又以九卿去位。推恩改命。序位工官。維恪慎可以保家。往其勉矣。可。虞部員外郎致仕張應符男邁試將作監主簿制。勅某少盡其力。至於老則養之。不可以不終。使之免農而為士。則祿之不可以不世。此先王不忍人之政。而吾未能逮也。今爾父去位。而命爾一官。使得世其祿。以終爾父之養焉。此以庶幾有合乎先王之政。爾惟忠惟孝。尚稱吾命。爾之怠哉。可。職方員外郎致仕徐仲容男公輔試將作監主簿制。勅景爾父辭祿而為爾請命于朝。傳曰：君子之善善也。長改善善及于孫。此吾命爾以一官之

意也經曰事親孝故忠可移於君居家理故治可移於官爾其念此以自勉哉可虞部員外郎致仕李卓男元之試將作監主簿制初某爾父積勤序于郎位老而致仕歸爾一官思世厥家往其無怠可諸州軍并轉運提刑弟姪男恩澤等並試監簿制初某朕始嗣位推恩宇內爾執方貢以來遼朝加賜一官往惟祇服可龐籍遺表孫保孫寅孫並將作監主簿制初某爾祖嘗為將相佐佑帝室朕束其止也故序爾於工官夫大臣之家能久而不失其世者鮮矣往承厥慶可不勉哉可龐籍外孫陳仲師試將作監主簿制初某朕命爾以試工官之屬者特以爾之外祖常為將相於先朝而已然士之由保任而後能自奮以至休顯者多矣往踐爾次可無勉哉可空名勅教并試監簿制初某河水行溢且為民蕩爾能輸新以佐有司之急加爾以試官之賞其思慎行以稱焉可天章閣待制司馬光親兄之子宏試將作監主簿制光帝有大慶推恩群臣子弟而爾有叔父實為近臣往即厥官無墮世祿可廣南東路轉運使秘閣校理蔡抗男潛試將作監簿制初某將潛遠方者皆得官其子弟爾父以才自奮有顯於時往志厥修以綏世祿可故資政殿大學士知河南府吳育遺表孫男儼休並守將作監主簿制初某等朕

所以顧恤大臣之家而序錄其子孫永嘗有愛焉况如爾祖賢明諒直有補於世朕常思而不忘者乎其各加爾一命以為工官之勸詩曰風興夜寐無忝爾所生佳其勉哉可以為孝矣可特勅傳人試將作監主簿郭慶基將作監主簿制勅某宗祀之恩外章四海爾嘗生法用廢于家履即故官其知慎矣可所國公主趙氏奏苗賢妃親姊永安縣君苗氏男張士端試將作監主簿制勅某朕布大慶而士緣外內族親之故以得官者眾矣雖進非用德然能致其材以保祿位則亦足以自貽于時爾與此榮當知勉焉可蘇魏公集守少府監致仕王山氏男漸可守將作監主簿制勅某男某乃父仕宦三品年至告歸聞其大勤延以世祿以爾早聞家訓克紹素風擇真京司俾階榮路往承新渥益懋爾思可太常少卿直龍圖閣知廣州張田遺表男輔之可試將作監主簿制勅某爾父才質器幹特推能臣宣力四方著稱五嶺不辜淪棄用茲潤偶俾爾一官以續其世爾其深自勉懋期於有成且無忘厥考之勤事也可德妃苗氏奏遇南郊乞親姪習進士苗仲淵可將作監主簿制勅某朕親祀郊丘布慶中外眷惟妃戚之族例有貢延之科而爾之諸姑戚崇崇宮掖言爾有立析真仕階京籍起家勉思宦學可太常少卿致仕謝綸孫延年可